

Қазақстан Республикасы Үкіметінің 1996 жылғы 27 желтоқсандағы N 1644 қаулысына өзгерістер мен толықтырулар енгізу туралы

Күшін жойған

Қазақстан Республикасы Үкіметінің 2000 жылғы 21 тамыздағы N 1287 қаулысы. Күші жойылды - Қазақстан Республикасы Үкіметінің 2011 жылғы 20 қазандағы № 1192 Қаулысымен

Ескерту. Күші жойылды - ҚР Үкіметінің 2011.10.20 № 1192 (алғашқы ресми жарияланған күнінен бастап күнтізбелік он күн өткен соң қолданысқа енгізіледі) Қаулысымен.

Қазақстан Республикасының Үкіметі **ҚАУЛЫ ЕТЕДІ:**

1. "Қазақстан Республикасы ішкі істер органдарының қатардағы және басшы құрамдағы адамдарының қызмет өткеруі туралы ережені бекіту туралы" Қазақстан Республикасы Үкіметінің 1996 жылғы 27 желтоқсандағы N 1644 P961644_ қаулысына мынадай өзгерістер мен толықтырулар енгізілсін:

көрсетілген қаулымен бекітілген, Қазақстан Республикасы ішкі істер органдарының қатардағы және басшы құрамдағы адамдарының қызмет өткеруі туралы ережеде:

1) 1 - тармақта:

"қатардағы және басшы құрамдағы адамдарының" деген сөздер "қызметкерлерінің" деген сөзбен ауыстырылсын;

"ішкі істер органдарының қатардағы және басшы құрамдағы адамдарының" деген сөздер "Қазақстан Республикасы ішкі істер органдарының қатардағы және басшы құрамдағы қызметкерлерінің (бұдан әрі - ішкі істер органдарының қызметкерлері)" деген сөздермен ауыстырылсын;

2) 2-тармақ мынадай редакцияда жазылсын:

"2. Ішкі істер органдарының қызметінде немесе кадрында тұратын, белгіленген тәртіппен арнаулы атақтар берілген адамдар, сондай-ақ Ішкі істер министрлігінің әскери-тергеу органдары мен әскери полициясының әскери қызметшілері ішкі істер органдарының қызметкерлері болып табылады. Оларға жеке бастары мен өкілеттіліктерін куәландыратын белгіленген үлгідегі қызметтік куәліктер мен жетондар беріледі";

3) мәтініндегі "Қазақстан Республикасының Ішкі істер министрінің", "Қазақстан Республикасының Ішкі істер министрі", "милиция" деген сөздер "министрдің", "министр", "полиция" деген сөздермен ауыстырылсын;

4) 4-тармақ мынадай редакцияда жазылсын:

"4. Ішкі істер органдарына қызметке ұлтына, жынысына, әлеуметтік жағдайына, діни көзқарасына қарамастан өздерінің іскерлік, жеке және адамгершілік қасиеттері, білімі мен денсаулық жағдайы бойынша қызметтік міндеттерді орындауға қабілетті, 18 жасқа толған және 40 жастан аспаған (қатардағы және кіші басшы құрам лауазымдарына - 32 жастан аспаған) Қазақстан Республикасының азаматтары ерікті негізде қабылданады. Ішкі істер министрлігінің оқу орындарында оқуға орта білімі бар, 18 жасқа толмаған а д а м д а р қ а б ы л д а н а а л а д ы .

Қазақстан Республикасы Ішкі істер министрлігінің оқу орындарына қабылдаудың тәртібін тиісті түрдегі Оқу орындарына қабылдаудың үлгілік ережелеріне сәйкес министр белгілейді.

Бұрын ішкі істер органдарынан босатылған және қызметке қайта қабылданатын азаматтар үшін жас шектеулері, осы Ереженің 13-тармағының талаптарына сүйеніп белгіленеді. Ерекше жағдайларда, жекелеген тәртіппен, министрдің шешімі бойынша ішкі істер органдарына қызметке Қазақстан Республикасының 40 жастан асқан азаматтары ерікті негізде қабылданады.

Ішкі істер органдарына қызметке қабылданушы азаматтар қызметке жарамдылығын анықтау үшін, міндетті түрде ішкі істер органдары әскери-дәрігерлік комиссияларының медициналық куәландыруынан өтеді.";

5) 5-тармақ мынадай редакцияда жазылсын:

"5. Егер, Қазақстан Республикасының азаматы:

сотпен белгілі бір мерзімнің ішінде мемлекеттік лауазымды атқару қ ұ қ ы ғ ы н а н а й ы р ы л ғ а н ;

күшіне енген сот шешімімен әрекет жасауға қабілетсіз немесе әрекет жасау қабілеті шектеулі деп танылған;

соттылығы бар немесе бұрын болған және қылмыстық жауаптылықтан ақтауға жатпайтын негіздер бойынша босатылған;

мемлекеттік қызметке орналасар алдындағы бір жыл ішінде сыбайлас жемқорлық құқық бұзушылық жасағаны үшін тәртіптік жауапқа тартылған;

қызметке орналасар алдындағы бір жыл ішінде қасақана құқық бұзғаны үшін сот тәртібімен әкімшілік жаза қолданылған;

бұрын жағымсыз себептер бойынша мемлекеттік қызметтен шығарылған; алкогольизммен немесе нашақорлықпен созылмалы науқас ретінде денсаулық сақтау және ішкі істер органдарында есепте тұратын;

науқасы бойынша мерзімді әскери қызметтен босатылған және әскери комиссариатта әскери (саптық) қызметке жарамсыз не шектеулі жарамды ретінде е с е п т е т ұ р а т ы н ;

осы Ереженің 4 және 6-тармақтарында көзделген талаптарға жауап бермейтін болса, ішкі істер органдарына қызметке қабылдана алмайды.";

б) 6-тармақ мынадай редакцияда жазылсын:

"6. Ішкі істер органдары қатардағы және басшы құрамының лауазымдары қолданылып жүрген заңнамаға сәйкес жеке келісім-шарттар жасасу жолымен, сондай-ақ лауазымға тағайындау арқылы атқарылады.

Қатардағы және кіші басшы құрамның лауазымдарына, осы Ереженің 5-тармағының тоғызыншы абзацында көзделген жағдайларды қоспағанда, кемінде орта білімі бар және мерзімді әскери қызмет атқарған азаматтар, сондай-ақ қолданылып жүрген заңнамаға сәйкес мерзімді әскери қызметке шақырудан босатылған немесе кейінге қалдыру құқығы бар азаматтар қабылданады. Бұл ретте олар әскери комиссариатқа растайтын құжаттар ұсынған жағдайда әскери есептен шығарылады және Ішкі істер министрлігінің органдарына арнаулы есепке беріледі. Қажет болған жағдайларда қатардағы және кіші басшы құрамның лауазымдары Қарулы Күштердің запасында тұрмаған әйелдермен ж а с а қ т а л у ы м ү м к і н .

Орта басшы құрамның лауазымдарына мерзімді әскери қызметтен өткен және арнаулы орта, аяқталмаған жоғары және жоғары білімі бар азаматтар қабылданады (қызметкерлер тағайындалады). Ерекшелік ретінде жедел қызмет және арнаулы мақсаттағы бөлімшелерге орта басшы құрамның лауазымдарына Министр бекіткен бағдарлама бойынша арнаулы курстарды бітірген, орта білімі бар азаматтар қабылдана алады.

Мерзімді әскери қызметке шақырылуға жататын шақыру жасындағы азаматтар орта аға және жоғары басшы құрамның лауазымдарына жоғары білімі болған жағдайда ғана қабылдана алады. Көрсетілген азаматтар, оларды орта және аға басшы құрамның лауазымдарына аттестациялағаннан және әскери комиссариатқа растау құжаттарын ұсынғаннан кейін әскери есептен шығарылады және ішкі істер органдарына арнаулы есепке беріледі.

Аға және жоғары басшы құрамның лауазымдарына жоғары білімі бар азаматтар қабылданады (қызметкерлер тағайындалады).";

7) 7-тармақ мынадай мазмұндағы абзацпен толықтырылсын:

"Қатардағы және басшы құрамдағы адамдар олардың мәртебесін және соған негізделген беделін жеке, топтық және өзге де қызметтік емес мүдделерге пайдалануға әкеліп соқтыратын іс-әрекеттерге жол бермеу мақсатында өздеріне заңнамада белгіленген шектеулер қабылдайды. Аталған шектеу

жазбаша нысанда көрсетіледі. Шектеуді қабылдамау қызметке қабылдаудан бас тартуға, одан босатуға әкеп соқтырады.";

8) 9-тармақтың екінші абзацы алынып тасталсын;

9) 12-тармақта:

бірінші абзацта:

"басқа" деген сөзден кейін ", оның ішінде республикадан тысқары жерлердегі" деген сөздермен толықтырылсын;

мынадай мазмұндағы сөйлеммен толықтырылсын:

"Ішкі істер министрлігінің оқу орындарын бітірушілер бөлуге сәйкес қызмет атқарады.";

алтыншы абзац мынадай редакцияда жазылсын:

"Үлгере алмауына, тәртібінің нашарлығына, оқығысы келмеуіне байланысты және басқа да негіздер бойынша оқудан шығарылған, сондай-ақ келісім-шартты бұзған Қазақстан Республикасының Ішкі істер министрлігі оқу орындарының курсанттары мен тыңдаушылары, сондай-ақ оның жолдамасы бойынша шет елдердің оқу орындарында оқитындар ішкі істер органдарының арнайы есебінен шығарылады. Бұл ретте оқудан шығарылған курсанттар мен тыңдаушылар әскери есепке қою үшін тұрғылықты жері бойынша әскери комиссариатқа жіберіледі." ;

Мынадай мазмұндағы абзацтармен толықтырылсын:

"Ішкі істер органдарының басшы құрамын даярлау факультетіне, Ішкі істер министрлігінің жоғары оқу орындары мен ғылыми-зерттеу мекемелерінің докторантурасына немесе күндізгі адъюнктурасына қабылданған қызметкерлерге оқуы кезінде оқуға жіберілгенге дейінгі атқарған соңғы негізгі (уақытша атқарылған емес) штаттық лауазымы бойынша бір айлық ақшалай қамту жалақысы төленеді.

Бұл қызметкерлердің лауазымдық жалақылары:
күндізгі докторантурада оқитындардікі:

Ішкі істер министрлігінің жоғары оқу орындары жанындағы - тиісті кафедра доцентінің лауазымдық жалақысынан;

Ішкі істер министрлігінің ғылыми-зерттеу мекемелері жанындағы - тиісті бөлімнің жетекші ғылыми қызметкерінің лауазымдық жалақысынан;

күндізгі адъюнктурада оқитындардікі:

Ішкі істер министрлігінің жоғары оқу орындары жанындағы - тиісті кафедра оқытушысының лауазымдық жалақысынан;

Ішкі істер министрлігінің ғылыми-зерттеу мекемелері жанындағы - тиісті бөлімнің кіші ғылыми қызметкерінің лауазымдық жалақысынан аспауы тиіс.

Күндізгі адъюнктураға тікелей жоғары оқу орындарын бітірген бойда қабылданған басшы құрамдағы адамдарға - тиісті кафедраның оқытушысы жалақысының мөлшерінде лауазымдық жалақы, арнаулы атағы үшін қосымша ақы, еңбек сіңірген жылдары үшін проценттік үстеме ақы төленеді.";

сегізінші абзацындағы "аталған адамдардың" деген сөздер "аға басшы құрамдағы адамдардың" деген сөздермен ауыстырылсын;
тоғызыншы абзацындағы "аталған адамдар, қажет болса" деген сөздер " қызметкерлер міндетті түрде" деген сөздермен ауыстырылсын;

11) 14-тармақ мынадай редакцияда жазылсын:

"14. Білім беру ұйымдарының педагог қызметкерлеріне Қазақстан Республикасының жоғары білікті ғылыми кадрларды аттестациялау саласындағы уәкілетті органы берген тиісті дипломы болған жағдайда, ғылым кандидаты және ғылым докторы ғылыми дәрежелері үшін және ғылым кандидатына бір айлық ең төменгі жалақы мөлшерінде және ғылым докторларына екі айлық ең төменгі жалақы мөлшерінде қосымша ақы белгіленеді.";

12) 19-тармақ мынадай редакцияда жазылсын:

"19. Ішкі істер органдары қызметкерлерінің құқықтары, міндеттері және жауапкершіліктері Қазақстан Республикасының заңнамалық кесімдермен, антпен , жарғылармен, ішкі істер органдары басшыларының бұйрықтарымен, сондай-ақ о с ы Е р е ж е м е н б е л г і л е н е д і . " ;

13) 22-тармақтың бірінші абзацы мынадай редакцияда жазылсын:

"Ішкі істер органдарының қызметкерлері қолданылып жүрген заңнамамен белгіленген мөлшерлерде және нормалар бойынша ақшалай ұстауды және өзге де үлес түрлерін алады, сондай-ақ кию үшін, ақысыз негізде, үлгілерін қатардағы және басшы құрам үшін Қазақстан Республикасының Үкіметі, ал әскери-тергеу органдары мен әскери полицияның әскери қызметшілері үшін Қазақстан Республикасының Президенті белгілейтін нысанды және арнайы киім-кешекпен қ а м т а м а с ы з е т і л е д і " ;

14) 23-тармақ мынадай редакцияда жазылсын:

"23. Қатардағы және басшы құрамның адамдарын зейнетақымен қамтамасыз ету қолданылып жүрген заңнамаға сәйкес жүзеге асырылады.";

15) 24-тармақтың бесінші абзацы алынып тасталсын;

16) 25-тармақ алынып тасталсын;

17) 26-тармақ алынып тасталсын;

18) 27-тармақ мынадай редакцияда жазылсын:

"27. Қатардағы және басшы құрамның адамдары ішкі істер органдары жүйесінің оқу орындарында, басқа да жоғары және арнаулы орта, оның ішінде Қазақстан Республикасынан тысқары жерлердегі оқу орындарының күндізгі, сырттай, кешкі факультеттерінде (бөлімдерінде) және қайта даярлау, біліктілігін арттыру курстарында о қ и а л а д ы .

Оқуға жіберу осы біліктіліктегі мамандарға қажеттілікке сәйкес ішкі істер органы басшысының рұқсатымен жүзеге асырылады."

19) 29-тармақтағы "сондай-ақ шарттардың негізінде мемлекеттік органдар

мен ұйымдардан келіп түскен қаржы есебінен" деген сөздер "қолданылып жүрген заңнамаға сәйкес" деген сөздермен ауыстырылсын;

20) 31-тармақтың екінші және үшінші абзацтары мынадай редакцияда жазылсын:

"Қатардағы және басшы құрам адамдарының қызмет немесе тұрғылықты жері бойынша ішкі істер органдары жүйесінің медициналық мекемелері болмаған кезде немесе оларда тиісті бөлімшелер, қажетті мамандар не арнаулы жабдықтар болмаған кезде, сондай-ақ шұғыл жағдайларда оларға медициналық көмек Қазақстан Республикасының қолданылып жүрген заңнамасына сәйкес мемлекеттік денсаулық сақтау ұйымдарында көрсетіледі.

Қызметтік борышын немесе қызметтік міндеттерін атқару кезінде мертіккен немесе сырқаттанған қатардағы және басшы құрамның адамдарын емдеуге жұмсалған қаражатты ішкі істер органдары өтейді.";

21) 32-тармақ алынып тасталсын;

22) 33-тармақтағы "және нормативтік актілеріне", "зейнеткерлердің еңбек сіңірген жылдары мен мамандығы бойынша жұмысын қоспағанда" деген сөздер алынып тасталсын;

23) 40-тармақтың екінші абзацы мынадай редакцияда жазылсын:

"Тергеу және анықтау органдарының қаулылары, істердің ақтайтын себептер бойынша тоқтауы, соттың заңды күшіне енген ақтау үкімі, шешімі не жұмыстан босату, лауазымын немесе атағын төмендету туралы шешім қабылдаған немесе оларға тең және жоғары бастықтар шығарған қызметтік тексерудің нәтижелері бойынша қорытынды ішкі істер органдарындағы қызметін, лауазымын, арнаулы атағын қалпына келтіру үшін негіз болып табылады.";

24) III-тарау мынадай редакцияда жазылсын:

"III. Арнаулы атақтар

43. Қатардағы және басшы құрамның арнаулы атақтары ішкі істер органдарына қызметке (оқуға) қабылданған адамдарға біліктілігі, білімі, қызметке көзқарасы, еңбек сіңірген жылдары және атқаратын штаттық лауазымы, сондай-ақ осы Ережеде көзделген басқа да шарттар ескеріле отырып жеке өзіне, сабақтас түрде беріледі.

Сабақтастығына қарай арнаулы атақтар алғашқы және кезекті болып бөлінеді. Бұл орайда полиция, ішкі қызмет арнаулы атағының берілуі атқарып отырған лауазымы бойынша көзделген арнаулы атаққа сәйкес болуға тиіс.

Қатардағы және кіші басшы құрамның арнаулы атақтарын (алғашқы және кезекті) қатардағы және кіші басшы құрамның лауазымдарына тағайындау құқығы берілген бастықтар береді.

Орта және аға басшы құрамның алғашқы арнаулы атақтарын беруді және Ішкі істер министрлігінің кадрларына қабылдауды Министр жүргізеді.

44. Басшы құрамның кезекті арнаулы атақтары, осы Ережеде көзделген жағдайларды қоспағанда, кезекті атақ атқаратын штаттық лауазымы бойынша көзделген атаққа сәйкес болған жағдайда және арнаулы атақта еңбек сіңірудің белгіленген мерзімі өткен соң жүйелі сабақтас түрде беріледі.

Қарамағындағы қызметкерді кезекті арнаулы атақ беруге ұсынуды

негізсіз кешіктірген ішкі істер органының бастығы тиісті жауаптылықта болады.

Кезекті арнаулы атақ берудің осы Ережеде көзделмеген қосымша шарттарын белгілеуге тыйым салынады.

Қатардағы және кіші басшы құрамның арнаулы атақтарында еңбек сіңірудің мынадай мерзімдері белгіленеді:

полиция қатардағы қызметкері, ішкі қызмет қатардағы қызметкері атағында - 3 ай;

полиция кіші сержанты, ішкі қызмет кіші сержанты атағында - 1 жыл;

полиция сержанты, ішкі қызмет сержанты атағында - 2 жыл;

полиция аға сержанты, ішкі қызмет аға сержанты атағында - 3 жыл, ішкі қызмет прапорщигі атағында - 5 жыл.

Полиция старшинасы, ішкі қызмет старшинасы, ішкі қызмет аға прапорщигі атағында еңбек сіңіру мерзімдері белгіленбейді.

45. Орта және аға басшы құрамның арнаулы атақтарында еңбек сіңірудің мынадай мерзімдері белгіленеді:

полиция кіші лейтенанты, ішкі қызмет кіші лейтенанты атағында - 1 жыл;

полиция лейтенанты, ішкі қызмет лейтенанты атағында - 2 жыл;

полиция аға лейтенанты, ішкі қызмет аға лейтенанты атағында - 3 жыл;

полиция капитаны, ішкі қызмет капитаны атағында - 3 жыл;

полиция майоры, ішкі қызмет майоры атағында - 4 жыл;

полиция подполковнигі, ішкі қызмет подполковнигі атағында - 5 жыл.

Полиция лейтенанты, ішкі қызмет аға лейтенанты алғашқы арнаулы атағы Ішкі істер министрлігінің жоғары оқу орындарын, сондай-ақ басқа да жоғары оқу орындарын бітірген бойда берілген және ішкі істер органдарында, оқу орнында алған немесе тектес мамандық бойынша қызмет өткеріп жатқан қызметкерлер үшін полиция лейтенанты, ішкі қызмет лейтенанты атағында еңбек сіңіру мерзімі 1 жыл болып белгіленеді.

Полиция полковнигі, ішкі қызмет полковнигі, сондай-ақ жоғары басшы құрамның атақтарында еңбек сіңіру мерзімі белгіленбейді.

46. Полиция кіші лейтенанты, ішкі қызмет кіші лейтенанты алғашқы арнаулы а т а қ т а р ы :

қатардағы және басшы құрамның лауазымдарында тұратын, Министр бекіткен бағдарлама бойынша ішкі істер органдарының арнаулы курстарын, басқа да министрліктер мен ведомстволардың арнаулы орта оқу орындарын бітірген және орта басшы құрамның лауазымдарына тағайындалған қ ы з м е т к е р л е р г е ;

қатардағы және кіші басшы құрамның лауазымдарында тұратын, жоғары немесе орта арнаулы оқу орындарының соңғы курстарында оқып жүрген, сондай-ақ аяқталмаған жоғары білімі (үшінші курстан төмен емес) бар және орта басшы құрамның лауазымдарына тағайындалған қызметкерлерге;

арнаулы орта оқу орындарын бітірген және орта басшы құрамның лауазымдарына тағайындалған азаматтарға беріледі.

47. Полиция лейтенанты, ішкі қызмет лейтенанты арнаулы атақтары: полиция кіші лейтенанттарына, ішкі қызмет кіші лейтенанттарына арнаулы атақта еңбек сіңірудің осы Ережеде белгіленген мерзімі өткен бойда, ал жоғары оқу орындарын бітіргендерге - бұл атақта еңбек сіңіру мерзіміне қарамастан;

қатардағы және кіші басшы құрамның арнаулы атақтары бар, жоғары оқу орындарын не Ішкі істер министрлігінің арнаулы орта оқу орындарын бітірген және орта басшы құрамның лауазымдарына тағайындалған қызметкерлерге;

Ішкі істер министрлігінің жоғары немесе арнаулы орта оқу орындарын күндізгі оқу нысаны бойынша бітірген қызметкерлерге;

жоғары білімі бар және орта немесе аға басшы құрамның лауазымдарына тағайындалған адамдарға беріледі.

48. Орта және аға басшы құрамның кезекті арнаулы атақтарын: полиция майорына, ішкі қызмет майорына дейін қоса алғанда - облыстардағы , республикалық маңызы бар қалалардағы және республика астанасындағы, көліктегі Ішкі істер бас басқармаларының, басқармаларының, Ішкі істер министрлігі "жүйесінің" жоғары және арнаулы орта оқу орындарының б а с т ы қ т а р ы ;

полиция полковнигіне, ішкі қызмет полковнигіне дейін қоса алғанда - М и н и с т р б е р е д і .

Жоғары басшы құрамның арнаулы атақтарын Министрдің ұсынуы бойынша Қазақстан Республикасының Президенті береді.

49. Ішкі істер министрлігі оқу орындарының тыңдаушыларына, адъюнктері мен докторанттарына орта және аға құрамның кезекті арнаулы атақтар, оқуға түскеннен кейін енгізілген осы лауазымдар бойынша штаттағы арнаулы атақтарға өзгерістер ескерілместен, олар оқуға түскенге дейін атқарған штаттық лауазымдарына сәйкес, тиісті арнаулы атақтарда еңбек сіңірудің белгіленген

мерзімі аяқталған бойда; кезекті арнаулы атақтар қызметкерлер оқуды бітірген соң тағайындалатын штаттық лауазымдар бойынша атақтарға сәйкес болған жағдайда - оқу орнын, адъюнктураны, докторантураны бітірген бойда беріледі.

50. Бір қызметтен (бөлімшеден), жеке құрамы үшін өзге арнаулы атақтар белгіленген, басқа қызметке (бөлімшеге) ауыстырылған қызметкерлерге мұндай атақтар осы Ереженің 44-тармағында көзделген тәртіппен беріледі. Бұл ретте жаңа арнаулы атақ қызметкерде бар арнаулы атақтан төмен болмауы тиіс.

51. Қазақстан Республикасы Қарулы Күштерінің запасында тұратын азаматқа, оны Қазақстан Республикасының ішкі істер органдары басшы құрамының лауазымына тағайындағаннан кейін, онда бар әскери атаққа сәйкес арнаулы атақ беріледі.

Запастағы офицерлерді орта, аға және жоғары басшы құрамның лауазымдарына тағайындау кезінде оларға, егер лауазымға тағайындау күніне олар міндетті әскери қызметті өткеру және запаста болу кезеңінде өздеріне берілген әскери атақтарда белгіленген мерзімдерді өткерген болса, алғашқы арнаулы атақ олардың әскери атақтарынан бір саты жоғары берілуі мүмкін.

52. Басшы құрамның кезекті арнаулы атағы (полиция подполковнигіне, ішкі қызмет подполковнигіне дейін қоса алғанда), қызметте жоғары нәтижелерге қол жеткізгені және қызметтік міндеттерін үлгілі орындағаны үшін көтермелеу ретінде бұған дейінгі атақта еңбек сіңірудің белгіленген мерзімі аяқталғанға дейін немесе атқарып отырған штаттық лауазымы бойынша көзделген арнаулы атақтан бір саты жоғары берілуі мүмкін.

Арнаулы атақтар мерзімінен бұрын арнаулы атақта еңбек сіңірудің белгіленген мерзімдерінің кемінде жартысы өткенде беріледі.

Штаттық лауазымы бойынша көзделген арнаулы атақтан бір саты жоғары кезекті арнаулы атақ:

арнаулы атақта еңбек сіңірудің белгіленген мерзімі өткен соң - ғылыми дәрежесі немесе ғылыми атағы бар әрі оқу орнында штаттық лауазым атқаратын басшы құрамның адамдарына, оның алдындағы арнаулы атақта еңбек сіңірудің кемінде белгіленген екі мерзімі өткен соң - басшы құрамның басқа да санаттарына беріледі.

Арнаулы атақтарды мерзімінен бұрын не штаттық лауазымы бойынша көзделген арнаулы атақтан бір саты жоғары беру ішкі істер органдарындағы қызметінің барлық кезеңі үшін бір рет жүргізіледі.

Бұл ретте кіші басшы құрамның арнаулы атақтарын кіші басшы құрамның лауазымдарына тағайындау құқығы берілген бастықтар, ал орта және аға басшы құрамның арнаулы атақтарын - Министр береді.

53. Арнаулы атақта еңбек сіңіру мерзімі сол атақты беру туралы бұйрыққа қол қойылған күннен бастап есептеледі.

Арнаулы атақ беруді заңсыз кешіктірілген жағдайда арнаулы атақта еңбек сіңіру мерзімі, оның алдындағы арнаулы атақта еңбек сіңіру мерзімі аяқталған сәттен бастап есептеледі.

Орта басшы құрамның лауазымдарына тағайындалған, қатардағы және кіші басшы құрамның атағы бар қызметкерлер, орта басшы құрамның арнаулы атағын беруге, бар атағында еңбек сіңірген мерзіміне қарамастан ұсынылады.

54. Ішкі істердің тиісті органының қарамағындағы (резервіндегі) немесе тәртіптік жазасы бар, сондай-ақ оларға қатысты қылмыстық іс қозғалған немесе қызметтік тәртіпті бұзу фактілері бойынша қызметтік тексеру жүргізіліп жатқан қызметкерлерді лауазымға тағайындалғанға, тәртіптік жазасы алынғанға, қылмыстық іс ақтайтын негіздер бойынша қысқартылғанға дейін немесе қызметтік тексеру аяқталғанға дейін кезекті арнаулы атақтар беруге ұсыну жүргізілмейді.

Тәртіптік жаза қолданудың заңсыздығы туралы шешім қабылданған немесе қылмыстық іс ақтайтын негіздер бойынша қысқартылған жағдайда, қатардағы және басшы құрамдағы адамдарға кезекті арнаулы атақтар, кезекті арнаулы атақ атқарып отырған штаттық лауазымы бойынша атаққа сәйкес болған кезде, оны берудің мерзімі басталған сәттен бастап беріледі.

55. Қызметкерлер соттың заңды күшіне енген айыптау үкімі бойынша арнаулы атағынан айырылуы мүмкін:

кіші басшы құрамды - кіші басшы құрамның арнаулы атағын беру құқығы берілген бастықтар;

орта және аға басшы құрамды - Министр;

жоғары басшы құрамды - қолданылып жүрген заңнамаға сәйкес.

56. Арнаулы атағынан заңсыз айырылған жағдайларда, сот органдарының қаулыларына сәйкес бұрынғы атағын қалпына келтіру туралы шешімді арнаулы атағынан айыру туралы шешім қабылдаған лауазымды адамдар қабылдайды.

Арнаулы атағынан заңсыз айырылған кезең қалпына келтірілген арнаулы атақта еңбек сіңіру мерзіміне кіреді. Арнаулы атағынан заңсыз айырылған адамдарға материалдық зиян толық көлемде өтеледі."

25) 59-тармақтың з) тармақшасы мынадай редакцияда жазылсын:

"з) қатардағы және басшы құрамдағы адамдарды лауазымдарға тағайындау, қызмет бойынша, жедел еместен жедел лауазымдарға ауыстыру әскери-дәрігерлік комиссияның дәрігерлік куәландыруының нәтижелері ескеріле отырып жүргізіледі.";

26) 61-тармақтың бірінші абзацында:

д) тармақшасында:

бірінші абзацындағы ", соның ішінде көтеріңкі" деген сөздер алынып

тасталсын;

екінші абзацындағы "және олардың келісімімен" деген сөздер алынып тасталсын;

үшінші абзацындағы ", соның ішінде" және "көтеріңкі" деген сөздер алынып тасталсын;

бесінші абзацындағы "аттестациялаудың нәтижесі бойынша анықталған" деген сөздер "аттестациялық тәртіппен" деген сөздермен ауыстырылсын;

61-тармақтың екінші абзацындағы "(соның ішінде көтеріңкі)", "(соның ішінде көтеріңкі)", сондай-ақ "егер бұл жалақылары бұрынғы қызмет орнында алғанынан төмен болған жағдайларда, оның кезекті көбеюі ескеріле отырып" деген сөздер алынып тасталсын;

61-тармақтың үшінші абзацындағы ", сондай-ақ лауазымдық жалақы сақталынбайтын лауазымдық қызметке ауысқанда" деген сөздер алынып тасталсын;

27) 67-тармақтағы "және соңғы аттестацияның қорытындысы бойынша тұжырымды өзгертуге негіз болған жағдайларда" деген сөздер алынып тасталсын;

28) 70-тармақтағы екінші абзацындағы "Қатардағы" деген сөздің алдынан " Ішкі істер органдарында 1 жылдан кем қызмет атқарған қызметкерлер жоғары тұрған лауазымға жылжытылған немесе оқуға жіберілген жағдайлардан басқасында, сондай-ақ" деген сөздермен толықтырылсын;

29) 74-тармақ мынадай мазмұндағы ж) тармақшасымен толықтырылсын:
"ж) шығармашылық демалыстар беріледі.";

30) 76-тармақ мынадай редакцияда жазылсын:

"76. Ақылы шығармашылық демалыстар күндізгі адъюнктурада оқып жүргендерді немесе докторантурада дайындықтан өтіп жатқандарды қоспағанда, диссертациялық жұмыстарды аяқтау, оқулықтар жазу үшін және Министр белгілеген тәртіппен басқа да жағдайларда беріледі.";

31) 80 - т а р м а қ т а :

екінші абзацындағы "бөлімшелерінде (учаскелерінде)" деген сөздерден кейін ", сондай-ақ ВИЧ инфекциясын жұқтырғандар мен СПИД-пен ауыратындарды ұстауға арналған мекемелерде, бөлімшелерде (учаскелерде)" деген сөздермен т о л ы қ т ы р ы л с ы н ;

32) 81-тармақтың төртінші абзацындағы "демалатын орынға бару және қайту үшін тасымалдау құжаттары немесе ақша беріледі, әрі" деген сөздер алынып т а с т а л с ы н ;

33) 82-тармақ мынадай редакцияда жазылсын:

"82. Демалыс алуға құқығы бар қызметкерлер оны бөліп-бөліп пайдалана алады. Жол жүруге арналған уақытқа демалыстың бір куәлігіне ғана беріледі.";

34) 84-тармақтағы "оларды шақырып алған, бірақ ол пункттен мекеннен аспайтын демалыс орнына бару және кейін қайту үшін тасымалдау құжаттары әрі"
" деген сөздер алынып тасталсын;

35) 86-тармақтың бірінші абзацы мынадай редакцияда жазылсын:
"Қызметкерлерге қысқа мерзімді ақылы демалыс шұғыл әлеуметтік-тұрмыстық мәселелерді, ең алдымен сырқаттануына, туысқандық борышын өтеуіне байланысты мәселелерді шешу үшін, сондай-ақ басқа да дәлелді себептер бойынша қызметкердің демалысты өткізетін жерге барып қайтатын жолының уақыты есепке алынбастан 10 тәулікке дейін беріледі.";

3 6) 8 7 - т а р м а қ т а :

екінші абзацындағы "облыстық Ішкі істер басқармасының, Алматы қалалық ішкі істер Бас басқармасының" деген сөздер "облыстың, республикалық маңызы бар қаланың және республика астанасының, көліктің ішкі істер бас басқармасының, басқармасының Ішкі істер министрлігі Академиясының, жоғары және арнаулы орта оқу орындарының, Республикалық мемлекеттік кәсіпорнының" деген сөздермен ауыстырылсын;

мынадай мазмұндағы төртінші абзацпен толықтырылсын:

"Жиі және ұзақ ауыратын қатардағы және басшы құрамдағы адамдарды, егер, әдетте, еңбекке жарамсыз болған күндерінің саны сол бір сырқат бойынша үзіліссіз 4 айға дейінгіні (12 айда) немесе жыл ішінде әртүрлі сырқаттар бойынша 5 айға дейінгіні құрайтын болса, емдеу-профилактикалық мекемелерінің ұсыныстары бойынша ішкі істер органдарының кадр аппараттары, қызметті одан әрі өткеруге жарамдылығын анықтау үшін, әскери-дәрігерлік комиссияға медициналық куәландыруға жібереді.";

3 7) 8 8 - т а р м а қ т а :

алтыншы абзацындағы "90" деген сан "89" деген санмен ауыстырылсын;
жетінші және сегізінші абзацтар мынадай редакцияда жазылсын:

"Ішкі істер органдары жүйесінің оқу орнын күндізгі оқу нысаны бойынша бітіруіне байланысты демалыс, оқу бітірушілерге оларды ішкі істер органдарына лауазымға тағайындағаннан кейін, олар жеке бөлінген жер бойынша беріледі.

Ішкі істер министрлігі жүйесінің жоғары және арнаулы орта оқу орындарында сырттай оқу нысаны бойынша оқитын қызметкерлерге емтихан тапсыру кезеңіне ұзақтығы емтихандық сессиясының ұзақтығына тең, бірақ бір жылдың ішінде қырық күннен аспайтын оқу демалыстары беріледі, бұл ретте шет елдердің құқық қорғау (полицейлік) органдарының оқу орындарында күндізгі оқу нысанында оқитын тыңдаушылар (курсанттар) мен сырттай оқу нысаны бойынша Ішкі істер министрлігінің немесе басқа мемлекеттің жоғары

және арнаулы орта оқу орындарында, сондай-ақ біліктілігін арттыру және мамандар даярлау курстарында оқитын қатардағы және басшы құрамдағы адамдарға оқу орнына теміржол көлігімен баруға және қайтуға арналған шығыстары өтеледі. Біліктілігін арттыру және мамандар даярлау курстарында оқитын қызметкерлерге қызметтік іссапарлар үшін белгіленген тәртіппен және нормалар бойынша оқуда болған әр күні үшін тәуліктік төленеді және тұрғын жай жалдау жөніндегі шығыстары өтеледі.

Өзге оқу орындарында сырттай (кешкі) оқу нысаны бойынша оқитын қызметкерлерге еңбекақы төлеу оқу орнына бару, демалыстар беру мәселелері "Қазақстан Республикасындағы еңбек туралы" Қазақстан Республикасы Заңының нормаларымен реттеледі.";

38) 90 - тармақта :

үшінші абзацындағы "отставкаға (әскери есептен шығара отырып)" деген сөздер "әскери есептен шығара отырып" деген сөздермен ауыстырылсын;

39) 91 - тармақта :

а) тармақшасы мынадай редакцияда жазылсын:

"а) зейнетақы алуға құқық беретін еңбек сіңірген жылдары (қызмет мерзімі) және әскери қызметте болудың шекті жасына жетуі бойынша";

б) тармақшасындағы "әскери" деген сөз алынып тасталсын;

40) 92-тармақтағы "отставкаға" деген сөз алынып тасталсын;

41) 95 - тармақта :

бірінші абзацындағы "(қызмет мерзімі)" деген сөздерден кейін "және әскери қызметте болудың шекті жасына жетуі" деген сөздермен толықтырылсын, "екі ай" деген сөздер "бір ай" деген сөздермен ауыстырылсын;

екінші абзацындағы "92-тармағының" деген сөздерден кейін "а)" деген әріппен толықтырылсын;

42) 97-тармақ мынадай редакцияда жазылсын:

"97. Орта, аға және жоғары басшы құрамдағы адамдарды әскери есепке қою және әскери есептен шығару арқылы босатуды:

а) ішкі қызмет подполковнигін қоса алғанда, полиция подполковнигіне дейін - облыстардағы, республикалық маңызы бар қаладағы және республика астанасындағы, көліктегі ішкі істер бас басқармаларының, басқармаларының, Ішкі істер министрлігі жүйесі Академиясының, жоғары және арнаулы орта оқу орындарының бастықтары;

б) ішкі қызмет полковнигін қоса алғанда, полиция полковнигіне дейін, сондай-ақ жоғары басшы құрамдағы адамдарды - Министр жүргізеді.";

43) 98-тармақ алынып тасталсын;

44) 101 - тармақта :

бірінші абзац мынадай редакцияда жазылсын:

"Ішкі істер органдарының қызметкерлері Қазақстан Республикасының Үкіметі белгілеген тәртіппен ішкі істер органдарының кадрларында қалдырыла отырып, мемлекеттік органдарға қызметке жіберіле алады.";

45) 104-тармақтың бірінші абзацы мынадай редакцияда жазылсын:

"104. Ішкі істер органдарының қызметкерлері Ішкі істер министрінің бұйрығымен, ішкі істер органдары жеке құрамының тізімдерінен шығарыла отырып, одан әрі қызмет атқару үшін Қазақстан Республикасының Қарулы Күштеріне, басқа да әскерлері мен әскери құрылымдарына, Ұлттық қауіпсіздік комитеті, салық полициясы органдарына, Қазақстан Республикасының Төтенше жағдайлар жөніндегі агенттігіне, сондай-ақ Тәуелсіз Мемлекеттер Достастығына қатысушы мемлекеттердің осындай құрылымдары мен құқық қорғау органдарына (халықаралық шарттардың негізінде) қызметке жіберілуі мүмкін. Қызметке жіберу ішкі істер органы қызметкерінің рапорты бойынша тиісті мемлекеттік органдардың келісімімен жеке түрде жүргізіледі.";

46) IX тарау алынып тасталсын.

2. Осы қаулы қол қойылған күнінен бастап күшіне енеді.